



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

12. An Cardinalis iuste impeditus possit vices suas in creando Summo  
Pontifice alteri demandare? Et an absens possit constituere Procuratorem  
ad eligendum & suffragium ferendum in scrutinio? Et an ...

---

[urn:nbn:de:hbz:466:1-76442](#)

# S.R.E.Cardinalium,&c., Ref.XII.&c. 381

punct. 2. num. 3. Duardus lib. 2. canon. 11. quæst. 6. num. 1.  
Vgolinius cap. 11. §. 1. num. 1. Fillius tom. 1. tract. 16.  
cap. 9. num. 259. Scortia in Bull. Ponif. epitome 166.  
theorem. 420. Megala in 3. part. lib. 2. cap. 9. q. 1. num. 10.  
& alij.

## RESOL. XII.

An Cardinalis iustè impeditus possit vices suas in creando Summo Pontifice alteri demandare?  
Et an absens possit constitutare Procuratorem ad eligendum, & suffragium ferendum in scrutinio?  
Et an sit Cardinalibus id iure concessum? Ex part. 5. tract. 2. Ref. 40.

§.1. A Ffirmativam sententiam docet Manfredus de Card. decis. 280. vbi sic ait: Cardinalis iusto detentus impedimento vices suas alteri in electione Papæ demandare potest. Ita ille. Probari potest hac opinio ex cap. si quis iuslo. de elect. in 6. Palaeotus de facto Conf. part. 5. quæst. 7. notat absentem posse constitutare Procuratorem ad eligendum, & suffragium ferendum in scrutinio, & citat Mandagotum de elect. Pralat. cap. 10. 11. & 12.

2. Verum negarijam sententiam docet ex Anchiano & Philippo Franco Azorius tom. 2. lib. 4. c. 2. quæst. 9. & Megalius in promptuar. ver. Cardinalis, num. 19. quia non est Cardinalibus id iure concessum.

## RESOL. XIII.

An Cardinals si non expectent alios intra tempus definitum, quod est per spatium decem dierum, & eligatur Ponifex ex ipsorum omnium, vel duarum partium confessi, electio adhuc sit valida?  
Et quid, si Cardinals presentes contradixissent; an ipsi invitis electio confiseretur? Ex part. 5. tr. 2. Ref. 75.

§.1. S Vppono; quod Cardinals presentes debent pro spatiu decem dierum absentes expectare pro electione Summi Pontificis. Difficultas est, an si illum eligant infra dictum tempus, electio sit nulla? & talem electionem non valere responderet. Albanus de Card. q. 14. quia cum tempus certum lex prescribit, ad substantiam spectare dicitur, ex auctoritate quæ suppliatur. C. de præcib. Imper. offerend. sed hoc in electione statutum est. ergo, &c.

2. Sed talen electionem vim habere magis probabilitate tradit Azorius tom. 2. lib. 4. cap. 2. 9. 5. & Lavorius in var. elocubr. tit. 4. cap. 7. num. 4. quibus ego adhaereo, nam glossa in cap. ubi periculum, de elect. in 6. sentit eam electionem ratam esse & firmam, quia in eo cap. generatim dicitur nihil excipi, aut opponi posse, si Ponifex eligatur suffragii duarum partium Cardinalium. Item, quia si illi Cardinals presentes quoque fuissent, & contradixissent, nihilominus ipsis invitis electio confiseretur. Nec diversum ab his Philippus & Archidiac. docuerunt, putant enim ad substantiam electionis solùm requiri ut Ponifex a duabus partibus Cardinalium eligatur, certa vero ad accidentia electionis attinere, nempe locum & tempus, ergo, &c.

## RESOL. XIV.

An Cardinals, si ita discent à Romana Curia, ut omnino inter decem dies post mortem Pontificis accedere

non possint, teneantur adhuc presentes, illos expectare?  
Ex part. 5. tract. 2. Ref. 76.

§.1. A Ffirmativam sententiam docet Manfredus de Card. decis. 266. vbi sic ait. Cardinales qui intra decem dies accedere non possunt, expectandi sunt. Ita ille, qui citat glossam, Francum, Balduum, Iasonem, Albanum, & Iacobatum.

2. Sed contraria sententia mihi placet, quam mutetur Albanus de Card. q. 13. Azorius tom. 2. lib. 4. cap. 2. quæst. 5. quibus ego addo Iulium Lavorium in var. elocubr. tit. 4. cap. 7. num. 11. quia in cap. ubi periculum, de elect. in 6. decem dierum spatio praesigitur. ergo, &c.

## RESOL. XV.

An si Ecclesia vacaret tempore, quo Concilium Generale est congregatum; electio Summi Pontificis adhuc spectet ad Cardinals?  
Et quid sentiendum est de iure? Ex part. 5. tract. 2. Ref. 73.

§.1. H ic casus accidit tempore Concilij Constantiensis, & res ex consensu communis ad concordiam redacta fuit; sed quid sentiendum de iure? Hanc questionem late tractat Albanus de Card. quæst. 35. in qua aliqui volunt, ad Cardinals spectante electionem, si Sedes vacat per obitum, vel renunciationem; si vero vacet, vel quia Ponifex ab ipsa Sede sit depositus, vel eius electio irrita, & nulla ab ipso Concilio declarata sit, putant eiusdem Concilii esse eligere novum Ponifex, tum quia cum Concilium habeat potestatem Ponificem haereticum reprehensem depонendi, quod est plus, cap. si Papa, dist. 40. multo magis debet illi concedi eligere quod est minus, ex re reg. cui licet, de reg. iur. in 6. & in 1. non debet, ff. eodem tit. & potestas conferendi videatur concessa illi, cui concessa est auferendi, t. nemo qui condemnare, ff. de reg. iuris, tum quia electio Rom. Pontif. ad Cardinals redacta est, habito respectu ad difficultatem congregandi Concilium statim post obitum Summi Pontificis, quod cessat, dum Sedes vacat congregato Concilio. Vide Cœchum in inst. Canon. lib. 2. tit. 4. num. 30.

2. Verum alij tradunt ius eligendi Ponificem in nullo casu pertinere ad Concilium, nam vbi iura non distinguunt, nec nos distinguere debemus, neque Concilium potest hanc facultatem Cardinalibus auferre, quia non à Concilio, sed à Sum. Pontifice accepterunt, licet Concilio approbante, ut patet in cap. licet. & in cap. ubi periculum, de elect. in 6. ergo sola Concilij autoritate potestas iure nequit auferri, nisi Romani quoque Pontificis consensu accesserit, & hæc opinio mihi magis placet cum Albano ubi supra, & Azorio tom. 2. lib. 4. cap. 3. quæst. 13. cum hac tamen limitatione, ut eam potestatem Cardinalibus possit Concilium adimere, si iusta aliqui causa subfit, ut si è munere & officio esset ob crimen haeresis Ponifex deiectus, & Cardinals essent criminis participes, aut alia de causa suspecti, aut verisimiliter crederetur offensionem orituram, aut schisma, vel magnam Ecclesiastice pacis perturbationem, tunc enim ob Ecclesias communem salutem, iure posse ad tempus, non in perpetuum Cardinalibus ea potestas auferri, aliqui minime.

3. Objecies, Generale Concilium potuit id iuris Cardinalibus concedere; ergo & auferre. Respondeo potuisse quidem, sed non sine iusta causa, quæ quidem alicuius ponderis, & momenti esse videatur.

## RESOL.